

21. april

**** NAQQIUT ****

Tungavilersuummi oqaaseqatigiit kingullermi ilassuteqalaartoqarpoq.

Uunga siunnersuut: Nunanit allanit aningaasanik taarsigassarsinissaq pillugu Inatsisartut inatsisaata atorunnaarsinneqarnissaanik Inatsisartut inatsisaat nr. xx, xx. xxx 2017-imeersoq. (Aningaasaqarnermut Akileraartarnermullu Naalakkersuisoq)

Siumumiit imatut oqaaseqarfigissavarput.

Maanna Naalakkersuisut siunnersuuteqarput Inatsisartut Inatsisaat nr. 13, 28. oktober 1993-imeersukkut piginnaatitsissutigineqartup atorunnaarsinneqarnissaannik, Naalakkersuisut Inatsisip maanna atuuttup pissutsinut naleqqukunnaartutut naliliinerat Siumumiit taparserparput.

Naalakkersuisut saqqummiussissummi erseqqisarpat Inatsisartut Inatsisaat kingullermik 2010-imi 2012-imilu atorneqarsimanera Nordisk Investeringsbankimit katillugit 550-mio kr-inik taarsigassarsinissami Inatsisikkut periarfissinneqartoq atorneqarsimammat.

Saqqummiussissummi mittarfinnik nutaanik sanaartornissamik pioreersunillu ineriartortitsinissamik maanna pilersaarusernerup Inatsisartut inatsisaat maanna atuuttoq siunertaminut tulluuttuunersoq pillugu oqallinnissaq pisariaqalersikkaa tungavilersuutigineqarpoq, Inatsillu tulluutinngitsutut nalilerlugu atorunnaarsinneqarnissaanik saqqummiusaq Siumumiit ilalerparput. Erseqqissaatigissavarpullu soorunami nunatta akilissinnaassuseqartuarnissaa qulakkeersimaneqartassammat

Siunnersuut aappassaaneerseqartinnani Aningaasaqarnermut Akileraartarnermullu Ataatsimiititaliamut suliaangorlugu innersuupparput.

Jens Immanuelson

Siumut